

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

VIII. Quid & quotplex sit fidei Symbolum; & quænam sit in specie
articulorum fidei in Symbolo ratio & enumeratio.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

quidem re retinendus est ille modus loquendi, qui haec tenus ab omnibus Theologis fuit receptus, nemirum Ecclesiam non habere novos eiusmodi articulos, nec noua dogmata, vt paulo superius ex Vincentio Lirinensi, & alijs retulimus.

²¹⁴ Ratio est, non solum quod eiusmodi veritates omnes, iā olim implicite credebantur etiā ab Apostolis, ut pote in vniuersalibus illis cōtēnt, Sāctos colendos, libros ab Ecclesia in Canonem receptos continere verbum Dei, Ecclesia Romana Episcopos esse legitimos Petri Successores, ac totius Ecclesia Pastores &c. nec etiam ideo tantum, quia per articulos fidei communiter intelliguntur veritates quādam primariae fidei, vt superius dictū: sed etiam quia reuera, proprio loquendo, eiusmodi res non creduntur propter nouam reuelationem, (sine qua nouis articulis fidei esse non potest) sed propter generales illas, per sententiam Ecclesiae & assentientium Spiritus sancti ad nouas illas veritates in particulari applicatas.

²¹⁵ Quoties enim noua eiusmodi veritates per fidem credenda inuestigantur, necesse est vt id fiat mediante aliquo discursu; in quo maioris propositionis loco assumatur, generalis quādam fidei veritas, iam ante reuelata; ex qua per minorem, aut euidentem, saltem moraliter, aut certe ex infallibili Spiritus sancti directione certam, applicata ad materiam particularem, quā definienda est, inferatur conclusio credenda. Quo fit, vt postea ratio assentiendi proprie non sit illa declaratio Ecclesia; loquendo de assensu fidei secundum se; sed reuelatio in maiori posita, sub qua materiam propositam comprehendendi, ex Ecclesia velut obiectum fidei proponentis declaratio inelligitur, vt pluribus dicetur quæst. sequent. Secus est de alijs veritatibus fidei etiam minimis, quæ in scriptura aperte & secundum se etiam reuelata sunt; quas generatim articulos fidei, & quidem ab alijs distinctos, dici nil impedit, vt supra dictum.

²¹⁶ Dices; illammet attestationem Ecclesiae, qua per infallibilem assentientiam Dei declarat, hunc vel illum Sanctorum usque ad finem vitæ in gratia Dei perstisse, esse nouam reuelationem, hoc ipso quod nititur noua quadam assentientia Dei, qua sit, vt Ecclesia in rebus eiusmodi declarandis ac proponentis errare non possit.

Respondeo, negando assumptum. Quia reuelatio divina continet quidem tum internā notitiā diuinam de aliqua veritate, tum etiam externa signa, quib⁹ Deus suamer auctoritatem eiusmodi veritatis mente conceptā notificat: at verò nō comprehendit auctoritatem seu attestationem Ecclesiae, aliā signa externa, quibus homines suo arbitratu ac propria auctoritate, esto infallibili & diuinitus accepta, diuinam mentem pandunt, siue proponendo antiquam reuelationē iam olim factam, siue eam ad certam materiam particularem applicando, vt dictum dub. 3.

In quem sensum etiam S. Thomas I. part. q. 1. a. 8. ait: fidem nostram innisi reuelationi Apostolis & Prophetis facta qui Canonicos libros scriperunt; non autem reuelationem, si qua fuit alijs Doctoribus facta; adeoque nec propositioni Ecclesiae, tanquam rationi

formali credendi, sed solum velut conditioni formale obiectum fidei proponenti, & ad certā subinde materiam applicanti, vt pluribus dictum, vt dub. 3.

²¹⁷ Quod ipsum etiam ex eo confirmatur. Nā assentia illa Dei, qua Ecclesia adest, ne in eiusmodi rebus fidei proponentis erret, per se non dicit, nec requirit positivā inspirationem, seu locutionē diuinā ipsi Ecclesię factā, sed contenta est quo quis auxilio Dei, etiā mere negatiuo, quo sit vt Ecclesia ijs in rebus errare non sinatur; cū tamen noua reuelatio vtique nouā inspirationē seu locutionem Dei aliquid positivē notificarem significet, ita vt quāvis historiographi sacri non existimetur singula ex speciali reuelatione Dei acceptissime, certe tamē ad totū illud scriptoriorum negotiū diuinus impulsus, nec alio, quā diuino nomine & auctoritate qdquā scripsisse & notificasse credatur.

D V B I V M VIII.

De triplici Symbolo fidei; ac speciatim utrum articuli fidei conuenienter enumerentur & proponantur in symbolo Apostolorum.

S. Thomas 2. 2. q. 1. a. 8 & 9.

²¹⁸ R Espondet S. Thomas cit. a. 8. & 9. articulos fidei conuenienter enumerari, ac in Apostorum symbolo ab omnibus fidelibus proponi credendos. Quia Ecclesia vniuersalis, (inquit a. 9. argm. sed contra) non potest errare; quia Spiritus sancto gubernatur, qui est spiritus veritatis. Hoc enim promisit Dominus discipulis Iohannis 16. dicens: Cum venerit ille spiritus veritatis, docebit vos omnem veritatem: sed symbolum est auctoritate vniuersalis Ecclesie editum, nihil erga inconveniens in eo continentur. Ita S. Thomas; quem recte notat Caietanus ibidem pro eodem habere auctoritatem Ecclesie vniuersalis, generalis Synodi & Papæ. Carterū vt res hæc tota paulo distincti cognoscatur, sequentes assertiones statuimus; supposita notione articuli fidei, articulosq; distinguendi ratione ex dubio procedenti.

²¹⁹ A S S E R T I O I. Posunt quidem articuli fidei omnibus explicitè credendi numerari, siue quatuordecim, siue etiam duodecim; nulla rei diversitate, sed sola numerandi ratione variata: atamen posterior numerandi ratio apud commune vulgus simpliciter retinenda est. Ita fere S. Thomas cit. q. 1. a. 8. alijque Theologi in 3. d. 2. 5. Probatur & declaratur assertio. Primo enim recte numerari articulos quatuordecim, tradit ipse S. Thomas ex sua sententia; quam etiam sequuntur Scotus, & plures alij Scholastici veteres. Ratio est. Cum enim per fidem, tanquam per se necessario credenda, duo nobis generatim proponantur, scilicet oculum diuinitatis (vt loquitur S. Thomas a. 8.) cuius visio nos beatos facit; & mysterium humilitatis Christi, per quem in gloriam filiorum DEI accessum habemus, vt dicitur ad Roman. 5. quæ

duo idcirco etiam simul coniunguntur Ioannis 17. Hæc vita æterna, ut cognoscant eum deum & quem misericordia IESVM CHRISTVM; ideo prima eaque generalissima veritatum & articulorum fidei distinctio est, quod quidam pertinent ad maiestatem diuinitatis; quidam vero pertinent ad mysterium humanitatis Christi; quod est pietatis sacramentum, vix dicitur 2. ad Tim. 4.

220 Circa Maiestatem autem diuinitatis, inquit Sanctus Thomas ibidem a. 8. tria nobis credenda proponuntur. Primo quidem unitas diuinitatis; & ad hoc pertinet primus articulus. Secundo Trinitas personarum; & de hoc sunt tres articuli, secundum tres personas. Tertio vero proponuntur nobis opera diuinitatis propria; quorum primum pertinet ad esse natura; & sic nobis proponitur articulus creationis. Secundum vero pertinet ad esse gratia; & sic proponuntur nobis sub uno articulo omnia pertinentia ad sanctificationem humanam. Tertium vero pertinet ad esse gloria: & sic proponitur nobis alius articulus de resurrectione carnis, & de vita æterna: & ita sunt septem articuli ad diuinitatem pertinentes.

Similiter etiam circa humanitatem Christi ponuntur septem articuli; quorum primum est de incarnatione, siue de conceptione Christi. Secundus de Nativitate eius ex Virgine. Tertius de Paschone eius, & morte, & sepultura. Quartus est de descensu ad inferos. Quintus est de Resurrectione. Sextus de ascensione. Septimus de aduentu ad iudicium. Et sic in uniuersis sunt quatuordecim. Haec tenus Sanctus Thomas. Quo modo etiam loquuntur, & docent Scotus in 3. distinctione 25. quæstione 1. aliquae scholastici veteres.

221 Posterior pars assertionis ex eodem Sancto Thoma cit. articulo 8. ita declaratur. Nam quidam, inquit, distinguunt duodecim articulos fidei: sex pertinentes ad diuinitatem: & sex pertinentes ad humanitatem. Tres enim articulos trium personarum comprehendunt sub uno; quia eadem est cognitio trium personarum. Articulum vero de opere glorificationis distinguunt in duos, scilicet resurrectionem carnis, & gloriam anime. Similiter articulum conceptionis, & Nativitatis coniungunt in unum.

Eadem fere ratione Scotus in 3. distinctione, 25. quæstione 1. utramque numerandi rationem admittens ait: sciendum quod si articuli distinguuntur, quantum ad ipsa credita, sic sunt quatuordecim articuli. Si autem distinguuntur secundum numerum illorum, qui primum articulos distinxerunt, sic sunt duodecim, secundum numerum duodecim Apostolorum. Ita Scotus. Ex quibus patet, hanc numerandi diuersitatem non concernere rem ipsam, sed solum diuersum modum distinguendi & numerandi.

Quia tamen in rebus ad Catechismum spectatibus, nihil insolens & inconsuetum auribus vulgarium inferendum est, ob vitandum scandalum, & perturbationem fidelium, idcirco in praxi & publica symboli recitatione ac expositione, retinendus est communis Ecclesiæ praesentis usus, articulos duodecim numerantis, ut videre est non solum in omnibus catechismis vulgaribus, sed speciatim etiam in Romano; & fecit olim etiam Sanctus Augustinus in Enchiridio cap. 34. & 64. & lib. de fide ac symbolo cap.

4. præter alios Patres inferius referendos.

ASSERTIO II. Articuli fidei, omnibus fidelibus communiter credendi, recte ab Apostolis in unam quandam synopsin, velut credendi regulam, ac fidei Christianæ suam collati sunt; quæ idcirco symboli Apostolorum dicitur: & pia ac probabilis opinio est, à singulis Apostolis singulos articulos fuisse compositos, & in eâ credendi formam collatos.

Prima pars traditur à S. Thoma hic q. 1. a. 9. & est apud Catholicos extra controvèrsiâ; adeo ut non possint ab insigni temeritate excusari huius temporis Nouatores, qui negant, Apostolos id symbolum edidisse; occasione forte sumpta ab Erasmo, qui in prologo paraphrasis in Matthæum, coepit hac de re dubitare, contra certam & testatam omnium Patrum sententiâ; Clementis epist. 4. ad Iacobum & l. 7. constit. Apologeticarum c. 4. Irenæi l. 1. contra hæreses c. 2. & l. 3. c. 4. Epiphanius hæresi 68. Leonis serm. 11. de passione & epist. 8. 13. & 25. Chrysostomi hom. 12. de symbolo, Ambrosij. 1. de Spiritu sancto, & epistola 8. 1. & serm. 38. Maximi homilia de traditione symboli, & aliorum; quibus accedit omnes scholastici in 3. dist. 23. & 25.

Ratio est; quia cum ad salutem necessarium sit, fanam & incorruptam præcipuum eiusmodi fiduci articulorum fidem ac notitiam habere, necessarium fuit, eos in breue quandam epitomen contrahiri, atq; ita fidelibus omnibus credendos proponi, ut recte notauit S. Thomas cit. a. 9. De qua re plura Bellarminus lib. 4. de verbo Dei c. 4.

Et quamus dubium non sit, Apostolos in eiusmodi symbolo constituendo, singulari ductus spiritus sancti fuisse gubernatos, ut articulos fidei omnibus creditu necessarios quam comodissime exprimerent; non tamen ideo symbolū illud Apostolorum censetur scriptura canonica, ut ex comuni recte notat Gregorius de Valentia q. 1. pun. 5. non solum quia, ut ipse ait, Apostoli id, immediate, & quasi verbo tenus dictante spiritu sancto, non scriperunt (id enim ad ratione scripturæ canonice vniuersim forte necessarium non est, ut videre est apud Bellarminum l. 1. de verbo Dei cap. 15. ad 2.) sed quia non appetat, id vel ab ipsis Apostolis; vel his ex instituto dictantibus, ab alijs scriptum fuisse: ut quod idcirco ad nos non aliquo Apostolorum scripto, sed traditione peruenisse dicitur. In quem sensum etiam Augustinus l. 1. de symbolo cap. 1. ait: symbolum nemo scribit, ut legi posset, sed ad recensendum, ne forte debeat obliuio quod tradidit diligentia. sit vobis codex vestra memoria. Quare illud fine scripto ab Apostolis traditum esse, testantur etiam Hieronymus epistola 6. ad Pammachium, Ambrosius epist. 8. ad Siricium, & idem Augustinus de fide & operibus c. 9.

Neque refert; quod in symbolo nullus ponitur distinctus articulus de Sacramento Eucharistia; quod tamen præ multis alijs articulis, præcipuum habet difficultatem. Ad hoc enim respondeat S. Thomas a. 8. ad 6. in Sacramento Eucharistia duo posse considerari: unum scilicet quod sacramentum est; & hoc habet, inquit, eandem rationem

224

225

226

rationē cū alijs effectibus gratia sanctificantur. Aliud est, quod miraculo ē ibi corpus Christi continetur: & sic concluditur sub omnipotētia; scit & omnia alia miracula, quae omnipotētia attribuuntur. Ita sanctus Thomas.

Addi potest, in symbolo ea tantum dogmata fuisse posita, quae per se, & non tantum per accidens, ob praxin, de Deo, Christo, ac humana redēptione cognoscenda & credenda esent; qua proinde rationē, nec mysterium Eucharistiae, aut pénitentiae Sacramentum, nec cetera intrinsece ad praxin pertinentia, in symbolo speciatim fuerunt expressa.

²²⁷ Posterior assertionis pars traditur à S. Thoma, Scoto, & Gabriele in 3. dist. 25. qui eiusmodi articulorum distinctionem singulis Apostolorū sigillatim respondentium commemorant: eademque est communis pia fidelium persuasio. Quae imprimis sumitur ex Augustino sermone, 115. de tempore vbi ait: *Quod grācē symbolū dicūtur, latīnē collatio nominatur. Collatio ideo, quia collata in unum totius Catholicæ & legi fides, symboli colliguntur breuitate, cuius textum vobis modo Deo annuente dicemus.* Petrus dixit, *Credo in Deum Patrem Omnipotentem. Ioannes dixit, Creatorem cœli & terræ. Iacobus dixit, Credo & IESVM Christum filium eius unicūm Dominum nostrum. Andreas dixit, Qui conceps est de Spiritu sancto, natu ex MARIA Virgine. Philippus ait, Passus sub Pontio Pilato, crucifixus, mortuus, & sepultus. Thomas ait, Descendit ad inferna, terria die resurrexit a mortuis. Bartholomaeus dixit, Ascendit ad calos, sedet ad dexterā Dei Patris Omnipotētis. Matthæus dixit, Inde venturus est iudicare viuos & mortuos. Iacobus Alphæi; Credo & in Spiritum sanctum, sanctam Ecclesiam Catholicam. Simon Zelotes, Sanctorum communionem, remissiōnem peccatorum. Iudas Iacobi, Carnis resurrectionem. Matthæus compleuit, vitam eternam, Amen.*

²²⁸ Et licet à quibusdam dubitetur an is sermo sit Augustini, id tamen non multum interest, cum de ijsdem singulis duodecim Apostolorū distinctionis articulis, suppetant etiam aliorum Patrū testimonia, speciatim Leonis epistola 96. ad Pulcheriam, Venantij Fortunati præfatione ad expositionem symboli, Alcuini de officijs Ecclesiasticis cap. 22. Rabani de institutione Clericorum lib. 2. cap. 56.

In qua sententia consequenter etiam dicendum erit, symbolum illud ab Apostolis confectum, fuisse, non solum ante dispersionem Apostolorum, sed etiam ante necem Iacobi, vt bene notauit Baronius Anno Christi 44. Tametsi quidem hæc sententia non sit omnino certa; de qua proinde etiam non est magnopere contendendum: modo illud generatim fixum maneat; symbolum illud verè ab Apostolis fuisse profectum; siue interim à singulis Apostolis singuli articuli fuerint compositi, vt dictum; siue potius communī Concilio & decreto, ante factam corundem diuisionem, omnes ab uno, vel omnes ab omnibus; id enim non ita certò constat.

²²⁹ Ex quibus etiam colligitur, vnde Symboli appellatio desumpta fuerit. Dicitur enim symbolum Apostolorum, vel quod singuli ad illud per-

ficiendum suam quasi contulerint symbolam, à græco verbo σύμβολον, confero: vel quod Christiani eo velut symbolo ac tessera militari à ceteris dignoscerentur, vt pluribus persequitur Rufinus in præfatione expositionis symboli.

Vbi etiam illud postremo notandum, tametsi quidem communiter, & vt docet S. Thomas a. 9. ad 5. rectius dicatur, sanctam Ecclesiam, non, in sanctam Ecclesiam; tamen nec hanc quidem lectiōnem reiiciendam; quidquid eam derideat Erasmus in colloquio de fide, professus se non credere in Ecclesiam: ita enim legunt Epiphanius in Anchorato, Augustinus epistola ad Neophytes, & refertur de Confessat. dist. 4. can. 1. item Hieronymus contra Luciferianos, & in epistolam ad Philemonem, & Chrysostomus hom. 6. de symbolo. Qui duo recte etiam notant, particularam in, iunctam cum vocula *Credere* non semper significare formalem ac supremam rationem credendi, quæ est Deus; sed aliquādō vñū ex credendis, vel etiam auctoritatem proponentem fidem, vt patet ex Epistola ad Philemonem vers. 5. *Audiens charitatem tuam, & fidem, quam habes in Domino IESV, in omnes Sanctos.* Item 1. Ioannis 5. v. 10. *Quia non credit in testimonium, quod testificatus est Deus.* Et denique Exodi 14. vbi nos legimus: *Et crediderunt Domino, & Moysi seruo eius, in textu hebraico est, Crediderunt in Deum, & in seruum eius Moysen.*

²³¹ ASSERTIO III. Præter symbolum Apostolorū, de quo superius actum, recte etiam in Ecclesia solemnī ac publico vsu celebrantur & usurpantrū duo alia symbola, Nicenum scilicet, & S. Athanasij. Ita S. Thomas hic q. 1. a. 9. ad 6. vbi ait: *Symbolum Patrum (sive Nicenum) est declaratiōnē symboli Apostolorum; & etiam fuit conditum, fide iam manifestata, & Ecclesia pacem habente: propter hoc publice in Missa cantatur. Symbolum autem Apostolorum, quod tempore persecutionis editum fuit, fide nondum publicata, occulte dicitur in Prima, & in Completorio, quasi contra cerebras errorum præteriorum & futurorum. Et a. 10. ad 3. docet, Symbolum Athanasij tametsi non habeat auctoritatem irrefragabilem, tanquam infallibilis regula fidei, quatenus præcise ab Athanasio conscriptum est, habere tamen quatenus Summi Pontificis, seu Ecclesiæ autoritate comprobatum ac receptum est. Athanasius, inquit, non composuit manifestationem fidei per modum symboli; sed magis per modum cuiusdam doctrine; vt ex ipso modo loquendi appareat, sed quia integrum fidei veritatem eius doctrina bresiter continebat, auctoritate Summi Pontificis est recepta, ut quasi regula fidei habeatur.*

²³² Ratio assertionis est; quia necessarium est, pro varia occurrentium errorum necessitate, accommodatas cuiuis temporis fidei formulas habere; quibus velut antipharmacis grassantium errorum virus propulsetur; dummodo & hæ ipsæ formulæ credendi inter se non pugnant, adeoque veritati vndique consentiant, & auctoritate legitima Summi Pontificis, seu Ecclesiæ proponantur, vt in duobus illis symbolis accidit.

In quem sensum recte etiam S. Thomas art. 9. ad 2. ait: *In omnibus symbolis eadem docetur fidei ve-*

ritas: sed ibi oportet populum diligenter instrui de fidei veritate, ubi errores insurgunt: ne fides simplificium per haereticos corrumpatur. Et hæc fuit causa, quare necesse fuit edere plura symbola; qua in nullo alio differunt, nisi quod in uno plenius explicantur, qua in alio continentur implicite, secundum quod exigitur haereticorum instantia. Ita Sanctus Thomas.

233 Vbi Notandum est primo, symbolum Nicænum vocari illud, quod in Concilio Nicæno ad fidem orthodoxam, aduersus Arianos, tuerendam & profitendam, conscriptum est; cuius quidem præcipuum architectum fuisse Magnum quondam Hosium, ipsius Synodi Principem, ex Athanasio epist. ad solitarios docet Baronius Anno Christi 325. qui etiam ex eodem Athanasio epist. ad Iouianum Imperatorem, Basilio epist. 78. alijsque scriptoribus antiquis, symbolum illud his verbis recitatum exhibet: *Credimus in DEVM Patrem Omnipotentem, omnium visibilium & inuisibilium creatorum. Et in Dominum IESVM CHRISTVM filium DEI, natum ex Patre, & Unigenitum, hoc est, ex substâ Patriæ, Deum ex Deo lumen de lumine, Deum verum ex Deo vero, genitum non factum, & consubstantiale Patri, per quem omnia facta sunt, tam in cælis, quam in terra. Qui propter nos homines, & propter nostram salutem, descendit, & incarnatus est, & homo factus est, passus est, & resurrexit tertia die, & ascendit in cælos, venturus inde ad iudicandos viuos & mortuos. Et in spiritum sanctum. Haec tenus Symbolum Nicænum; quod quidem, velut universalis ac legitimi Concilij autoritate editum, infallibilem habere auctoritatem nemo orthodoxorum dubitat, sed negant solum nostrum temporis Ariani & Trinitarij, contra quos disservimus tom. I. disp. 4. q. 1. Qua vero ratione idem symbolum postea fuerit auctum, dicetur assertione sequenti.*

234 Notandum secundo, Symbolum Athanasij ab eodem latino sermone conscriptum fuisse Romæ, vt ea quasi publica Catholicæ fidei professione, Romano se Pontifici, quo citatus aduenierat, se probaret. Quod symbolum cum in Romano Ecclesiæ archivio, vna cum actis Synodi tunc ibidem habitæ collocatum, longo tempore delituit, inde factum est, vt ab antiquioribus Patribus, seu græcis, seu latini citatum vix reperiatur, cum tamen postea, cum in luce publicâ emerisset, magno vbiq; cōsensu, tū à Latinis omnib⁹, tū à Græcis publice receptum in Ecclesia fuerit: nisi quod à Græcis, suo iam errori addictis parsilla symboli dempta fuerit, qua dicitur Spiritum Sanctum à Patre Filio procedere; eo falso prætextu, quasi ea verba nuper à Latinis superaddita fuerint: cum tamen ex Capitulo primo Concilij Toletani IV. liquido appareat, etiam ante annos propemodum mille, nondum exorro schismatis græcorum ea verba, ita vt nunc se habent, in eodem symbolo legi consueuisse, vt refert Baronius Anno Christi 340.

235 Quo spectat, quod Gregorius Nazianzenus in oratione de laudibus Athanasij dicit eum composuisse perfectissimam fidei confessionem, quam totus & occidens, & ortens veneratur; quodq; Augustinus

in psalmum 120. (vnde cuncti tandem eius symboli exempla adeptus) nominatum Athanasium Episcopum Alexandrinum citans, integrum verisimilem hui⁹ symboli adducit: ac simul sine nomine Athanasij, utitur integris sententijs hui⁹ Symboli, tanquam in Ecclesia Africana notissimi l. 5. de Trinitate c. 8. & epist. 174. ad Pascentiū, & in Enchiridio c. 36. & sermone 295. de tempore; vt proinde de huius etiam symboli auctoritate iure dubitari non possit, vt recte obseruauit Bellarmus. 2. de Christo c. 25.

236 ASSERTIO IV. Quin etiam licuit Ecclesiæ, seu Summo Pontifici, saltem cum auctoritate Synodi generalis, semperq; licebit, pro opportunitate temporum, nouam aliquam symboli editionem seu formulam condere; in qua propter insurgentes in Ecclesia haereses aliquid ad fidem spectans magis declaretur; modo interim caueatur, ne tali innovatione scandalum, aut perturbationem oriatur. Ita S. Thomas hic q. 1. a. vbi ait: *Nova editio symboli necessaria est ad vitandum insurgentes errores. Ad illam ergo auctoritatē pertinet editio symboli, ad cuius auctoritatē pertinet finaliter determinare ea, qua sunt fidei, ut ab omnibus inconcussa fide teneantur. His autem pertinet ad auctoritatem Summi Pontificis Sc. & ideo ad solam auctoritatem summi Pontificis pertinet, noua editio symboli; sicut & omnia alia, quæ pertinent ad totam Ecclesiam, ut congregare synodus generalem, & alia huiusmodi.*

237 Nec obstat, quod in concilio Ephesino tom. 2. cap. vlt. & in Calcedonensi actione 4. sub anathemate prohibetur, ne alia fides proferatur, vel conscribatur, vel comporatur, præter definitiā à Patribus Nicæna Syndi. Nam vt bene repondet S. Thomas cit. a. 10. ad 2. prohibitus illa spectat (folum) ad priuatā personā, quarum non est determinare de fide. Non autem per huiusmodi sententiam Synodi, ablatā est potestas sequenti Synodo, nouam editionem symboli facere; non quidem aliam fidem continentem, sed eandem magis expeditam. Sic enim qualibet Synodus obseruauit, vt (eque) quis Synodus aliquid exponeret supra id, quod præcedens Synodus exposuerat; propter necessitatem alicuius haeresis insurgentis. Ita S. Thomas.

238 Unde etiā confirmatur assertio. Ita enim Concilium Constantiopolitanum I. ad illa verba symboli Nicæni, *Et in spiritum sanctum addidit, Dominum vivificantem, qui ex Patre procedit: & Concilium Chalcedonense similiter & addidit quædam, & detraxit.* Qua ratione etiam ante annos plus quingentos, legitima auctoritate Ecclesiæ, ad græci palam graffiantis schismatis publicam detestacionem, idem Nicænum symbolum publicè in tota Ecclesiæ latina decâtri coepit, addita adverbialia, *qui ex Patre procedit particula Filio.* Cum quo additamento, etiam receptum fuit in Concilio Toletano VIII. & in Synodo VII. actione 7. licet quando, vel à quo Pontifice hec additio primū sit facta, non satis constet. Manuel Caleca quidēl. 4. contra Græcos id Damaso Pontifici tribuit: quod negat Bellarmus I. 2. de Christo c. 21.

239 Spondanus vero ex Baronio Año Christi 447. id Concilio Toletano I. tribuere videtur, cū ait: *Magna obseruatione dignum est, quod reperiatur illud ab eis primum superseditum fidei symbolo de spiritu*

Sancto,

Sancto, qui à Patre Filioq; procedit. Verum haud sua ipsi, inquit, id fecere auctoritate, sed ex verbis Epistola ad eos scripta (epistola 93. cap. 1.) à S. Leone Papa: in qua cum damatur Priscillianistarum error, quo impie dicerent, Patri, Et Fili, Et spiritu sancti, unam atq; eandem esse personam, spiritus sanctus declaratur de Patre Et Filio procedere. Porro ea semel verba, auctoritate Romani Pontificis, addita ab Hispanu symbolo, aduersus Priscillianistas, eidem semper inhæserunt, ac pertransierunt postea ad Wisigothos Catholicos, qui Et Iudees ad Christianam fidem videntes sub eiusdem symboli confessione esse recipiendos, suis legibus sanciuerunt: itemque in alijs Toletanis Concilij sub Gothorum Regibus celebratis obseruatim est. Sicut Et apud Francos eadem in symbolum accepta esse appetat, ex symbolo fidei sub Carolo Magno, in Arelateni Synodo recitato: licet Romana Ecclesia antiquissima tenacissima, diutissime cunctata sit, ea in symbolum inferre. Donec sub Benedicto VII. ad instantiam Imperatoris Henrici (ut tradidit Berno Abbas Augiensis libro de rebus ad Missam spectantibus) admissa sunt; ne Romana Ecclesia videretur earespuere, quæ alijs tradidisset. Ita Baronius.

Qui etiam tomo 9. Anno 809. refert Leonem III. Pontificem, ex Concilio Aquilrensi, à Carolo Imperatore consultum, num ita auctum symbolum legitime cani posset, licet permiserit symbolum cani, prohibuisse tamen, ne cum eo additamento canceretur, cum interim eo tempore, mos cantandi symbolum in Missa, Romæ nondum esset receptus, sed postea primum sub annum 1014. suauis Henrici Imperatoris introductus fuerit. Quam quidem sūceptam consuetudinem, inquit Baronius, hanc improbamus; sed nobis gratius, si veneranda antiquitati annorum mille magis delatum fuisset, quam votati.

Ex quibus etiam satis patet, quanta circumspectione vtendum sit, ne eiusmodi, quamvis ex se licita nouatione, scandali, aut perturbationis occasio detur, iuxta illud Apostoli 1. Cor. 6. v. 12. Omnia mihi licent; sed non omnia expedient. De qua re plura contra græcos diximus tom. 1. disp. 4. q. 4. dub. 5. sicut & de auctoritate Pontificis ex instituto differendum est q. 3.

240

Q V Æ S T I O II.

De priuata propositione, adeoque motiuis fidei, ad credibilitatem eiusdem spectantibus.

Sanctus Thomas 2. 2. q. 1. a. 4. ad 2. & 3. & a. 5. ad 1. & 2.

Absolutetur hoc quæstio quinque dubitationibus. I. Quid Et quotuplex sit fidei propositione; Et quomodo tum à reuelatione distinguitur, tum ad fidem concipiendam uniuersim necessaria sit. II. Qualis propositione seu credibilitas obiecti fidei generatim requiratur ad hoc, ut fides concipi possit, Et debeat. III. Quibus medijs fides propo- nenda sit; speciatim à quo, Et per quæ motiua generatim fides proponi debeat. IV. An, Et quibus motiuis Catholica fides evidenter sit credibilis. V. An propositione, ad fidem requisita, adeo infallibilis esse debeat, ut in obiectum falsum cadere nullo modo possit. Ad hoc enim quinque referuntur omnia, quæ de propositione fidei disputari possunt. Primum enim pertinet ad eius essentiam: secundum ad modum eius, ex parte credibilitatis, quam conciliare debet: tertium ad eius media qualia sunt tum proponens ipse, tum motiua generatim spectata: quarto specia- tim declaranda sunt præcipua nostra fidei motiua. Quintum deniq; infallibilitatem eius proposi- tionis adequatè spectata declarat.

D U B I U M I.

Quid Et quotuplex sit fidei propositione; Et quomodo tum à re- uelatione distinguitur, tum ad fidem concipiendam uniuersim necessaria sit.

Ad S. Thomam 2. 2. q. 1. a. 4. ad 2.

EGimus haec tenus de obiecto fidei, tam forma- li, quam materiali; sequitur, ut de obiecti propositione agamus; quam ab obiecto differre inferius patebit; tametsi nonnulli hæc non satis quandoque distinguere videantur; cum tamen absque notabili totius materiæ de fide confusio-

ne, confundi minime possint. Quæ causa etiam est, cur etsi S. Thomas hac de re hoc loco vix obiter aliquid attigerit, nobis tamen explicatius paulo & fusius res tota sit explicanda.

Intelligitur autem per eam tum obiectum, materiale fidei, nempe veritas aliqua credenda,